

2 Pita Pas yimbu Pita ai sürü papimarandi

¹ Karıhasıhandürı, ro Saimon Pita Sisas Kraisındı moanı ratüpurıya-rıhandembı asu ahandı hoafı sahamındı ha-rıhandeimb-anahı. Sıhefı God asu aboedambo-reamunı-randeimbı Sisas Kraisındı sürühoeimbı hohoanımo süngu God ai anıhondümböfe hohoanımo aboedı-safı ro hohoanımoayefı yahurai sıheimbo masagadürı.

² Se God asu Adükari Sisas anıhondümbö fıfırıhi-pırımboanei ranımbo-anımbo ai hıpoambo-ndınearühı ngusüfoambe afurıfe kife hohoanımo afındımbo mbısabınandür-amboane.

God ai sıhefımbö wand-aneı mehu

³ Kraıs ai Godındı ngınındeimb-anı, asu ranınambo ahandı hohoanımo yangrı süngufemböhünda ai sıhefımbö müngu moatükunı masemunı. Sıhırı ahambo fıfırarıhırı ranınambo ai sıhefımbö ahandı-mayo fıfırıfe aboedı masemunı. Ai sıhefımbö hoafıyumunühı yahuya, 'Se sınei wandı hımböamupuımbo-randeimbı asu sürühoeimbı hohoanımo sahümündı,' mehumunı.

⁴ Ranımboyu sıhefımbö aboedı adükari hamındı fehefembo moatükunı ra masemunı sapo horombo ai sıhefımböya ndahandürımboyahı mehu. Ranınamboyeı se

ngusüfoambe moaruwai botifimbi hohoanimo
hifi ndanihündambo sihefimbo mungu ra
moaruwaimbo-reamuni marandi ranahambo
aboedambo-ndahimboyei asu se Godindi
hohoanimo ndahümüdi-mboyei.

⁵ Ranimbo-hündambo-animbo asu se
tiñirifondeihisi shei aboedi hohoanimo ra
anihondümbafe ranifih-animbo pandihindi.
Shei aboedi hohoanimo ranifih-animbo
Godimbo fifirife ra pandihindi.

⁶ Godimbo fifirife ranifih-animbo shei fimbo
diboadofe hifandi hohoanimo pandihindi. Shei
fimbo diboadofe hifandimbo hohoanimo
ranifih-animbo nginindi ningombo hohoanimo
ra pandihindi. Shei nginindi ningombo
hohoanimo ranifih-animbo God hohoanimoayu
hohoanimo süngufe ra pandihindi.

⁷ Shei God hohoanimoayu süngufe
hohoanimo ranifih-animbo wandafi
mami-babidi aboedi ningo hohoanimo ra
pandihindi asu ranifih-animbo hipoambove
hohoanimo ra pandihindi.

⁸ Rananimbo asu rani hohoanimo ranai shei
fiambe nimandi ngombo adükari tükefeyondüri
ana, asu shei Adükari Sisas Kraimbo fifirife ra
ngiri moani rande yagodo, nga wani. Nga
ranana shei Adükarimbo fifirife ranai aboedi
nimi afindi hisaiyo nou yahurai rande
hisindimboe.

⁹ Nga asu nindou ai sapo munguambo
rani-moatükuni hohoanimo ra ahandi fiambe
nimarikoate-ndoani ana, nindou ranai
nini-moatükuniyo anguni engoro ra
hoeifekoate-ayu ana, himboatihari nahurai-ani.

Aiana sapo horombo moaruwai hohoan+moyu marandî ra God ai raguanambo-mareando ranahambo hohoan+mo mitan+ra-mündümboani.

¹⁰ Ran+imboane wandafî mamî, God ai sîheimbo wambo sowana sînei yahuhaya hoaf+yundürühî ai wand-aneî mehündür-aneî. Ran+imbo-hündambo-an+imbo asu ai sîheimbo an+hondümbo hoaf+mayundürî ran+imbo nafuimbohünda süngundühündühî hütî-hütindeî. Se rawar+hindî ana, ngîrî se an+hondümbofe hohoan+mo hîni+ngîndîhindî.

¹¹ Ranan+imbo sîheimbo sîhefî Adükari asu aboedambo-reamuneimbi Sisas Kraisi+ndî ngîni+ndî hîfandarandî koadürümbo-koadürümbo yanggorambo ranambe hafombo nafî yagodondür+imboe.

¹² Yinî, muŋgu-moatükunî horombo hoaf+mayahî ra se hohoan+moyei fîfirîhi hehi ngîni+ndî nîmboeimbo süngurîhü-ndühaneisî. Nga awi ro sîheimbo nîmbî-nîmbî-sî hoafîndaha-ndür+imboyahî se ranî hohoan+mo ra hohoan+moyei-mbîrühündamboane mbîsahehea.

¹³⁻¹⁴ Ro fîfirîhe-amboanahî ngîrî amîtata ro fî yangîrî an+imboahî nda hîni+ngîndîheandî. Sapo ranî-moatükunî ran+imboyu sîhefî Adükari Sisas Kraisi ai fîfirîe hoafîmayundîrî. Nga awi ro ndarîhe yangîrî nîmboahambe-an+imbo sîhei hohoan+mo ra botîfendürî rambo-hündambo muŋguambo si ra asükai hoafîndamboyahî. Ro hohoan+moayahî ranana aboed-ane.

¹⁵ Ran+imboanahî asu ro haponda sîheimbo hoafîyondür+imbo hütî-hütîaya habodîhî.

Rananimbo asu sünguna ro yifinda hehea
 ngahani amboani asu munguambo hoafi
 ranahambo hohoanimombeya
 saheheamboanahi ro hüti-hütyahühi
 hoafehandüri.

*Kraisimbo sowahi Godindi nginindi menjoro ra
 hoeimarihundi.*

¹⁶ Sihafi Adükari Sisas Krais asükaiyo nginindi
 kapeihü kosimboayu hoafi ra ro ndorihē
 wataporimbo-marhandüri ra ropoanimbo
 hohoanimoyefi hohu hoafiyefühi-yefipoani.
 Nga yihoe fi h imboar nambo ahandi nginindi
 himboamupuimbi moatükun i hoeimarihuri.

¹⁷ Ape God airüri ahambo ndüri adükari
 sagadowohü asu si adükari aboedi ahandi-mayo
 ra sagadowani ro ranihü manimboefi. God ai
 adükari himboamupuimbi sünambe si ranihi
 nimarumbo ai yare hoafiyuhü yahuya, “Nindou
 ranana wandi nimor-ani, nga moani ro ngusüfo
 parihineimb-ani. Ahamboane ro wambo
 ngusüfoambe siaoweheandi,” mehu.

¹⁸ Ro Sisas Krais-babidi wafuambe
 nimboef-ane God hoafimayu rani hoafi ra
 sünambeahindi makosowa himborimayefi.

¹⁹ Ranimboanefi ro Godindi hoafi
 hoafiyomo-rundeimbi ahamundi hoafi ra
 nginindi anihondumbo-arihundi, nga
 se-amboani rani hoafi ranahambo yarhi
 anihondumbo-arihindi ana, aboedi saf-ane.
 Ahamundi hoafi ranana ram nimbi
 nimarowani aningō nahurai-ane. Ram ra siyo
 homboyowani si hoafambe Kraisindi si botiboti
 nahurai sihei ngusüfoambe tükündifemboe.

²⁰ Nga asu se ranahambo wudi⁺poapondi⁺hi fifi⁺rindi⁺hi hehimbo-animbo. Nindou mam⁺ ai ngi⁺r⁺i ahandi⁺ hohoanimonambo yangi⁺r⁺i Godindi⁺ hoafi⁺ hoafi⁺yomo-rundeimbi-yomondi⁺ hoafi⁺ Baibor-ambe engoro ranahambo fifi⁺nde hoafi⁺ndu.

²¹ Ai ni⁺mboe, horombo nindou mam⁺ ai moai Godindi⁺ hoafi⁺ engoro ra ahandi⁺ hohoanimonambo yangi⁺r⁺i hoafi⁺yu, nga wani. Yifiafi⁺ Aboedi⁺ ranaiyo nindou bi⁺di⁺f⁺i⁺rambo hohoanimo⁺ boti⁺reapuran⁺i God ai hoafi⁺ masagapur⁺i ranimbo⁺ hoafi⁺ weindah⁺i hoafi⁺yomo marundi⁺.

2

Godindi hoafi⁺ tiki⁺ai-hoafi⁺yomo-rundeimbi

¹ Nga horombo Godindi⁺ hoafi⁺ tiki⁺ai-hoafi⁺yomo-rundeimbi⁺ nindou Israeri⁺-yei mbusümo⁺ tüküme⁺fund⁺i. Yahurai-animbo⁺ nindou tiki⁺ai-hoafi⁺ yamundu-rundeimbi⁺ si⁺hei mbusümo amboani⁺ tükündafumboemo. Nindou ranai⁺ di⁺bo tükündafu⁺ ni⁺ngomombo⁺ mu⁺nguambo rani⁺-poani⁺mbo tiki⁺ai-hoafi⁺ si⁺heimbo moaruwaimbo-fendü⁺r⁺i⁺mbo yamundi-ndundü⁺r⁺i⁺mboemo. Nindou ranahamumbo Adükar⁺i ai moaruwai hohoanimo⁺-ambeahindi⁺ hi⁺hi⁺re masepurimündüyosi⁺, nga asu ai Adükar⁺i ranahambo amboani⁺ daboadi⁺ hi⁺hi⁺r⁺i⁺maruwur-ane. Ai ramefund⁺i ranimboemo⁺ asu ai ahamundi⁺hoari⁺ ni⁺mai moaruwaimbo-ndafumboemo.

² Asu nindou anihondumbo-r⁺ihindeimbi⁺ af⁺indi⁺ ranai⁺ tiki⁺ai yamundu-rundeimbi⁺

ahamundi moaruwai hamindi hohoanimo ra sūngundihūmboyei. Asu ai rawarihindi ranimbohūnda nindou amuri burayei ranai hoafi hondū nafi engoro ranahambo moaruwai hoafindeimboyei.

³ Ndanī nindou ndanai sapo hohoanī hohoanīmoyomo-rundeimbī-wambo ai siheimbo tikai-hoafi hoafindīmo-ndūrīmboemo. Horombo hondūyo God ai ahamumbo papī-hoafi hoafīmayupurī, ŋga ai moai muŋguyo. Hoafi ai hoafīyu masihendi ahamumbo moaruwaimbo-fipurīmbo ra adūkarī tūkūfemboane hīmboyopurūhī anīŋgo.

⁴ Sūnambeahīndī nendī bīdīfirī ai yaru moaruwai hohoanimo-memoyosi, ŋga asu God ai moai ahamumbo ambemo yahu hīnīŋīreapurī, ŋga wanī. Ai ahamumbo ŋgoafi moaruwai nīmbi afīndī nīmaro-ambe karabusīre hīnīŋīmareapurī asu ai adūkarī tīŋīrīfo saimbo si tūkūfembohūnda hīfandarundī.

⁵ Horombo hondū ai moai hīfīnīndī nindou muŋguambo ranaheimbo ambeyei yahu, ŋga wanī. Ŋga ai hoe afīndī koamarīhenda ranambo Godīmbo hohoanīmokoate nindou ranai moaruwaimbo-mehīndī. Ŋga Noa ana sūrūhoeimbī hohoanīmō bokarīhai-randeimbī asu God ai ahambo nindou 7-babīdī aboedambo-mareandūrī.

⁶ Ŋga ŋgoafi yimbu Sodom, Gomora ranahafembo moaruwaimbo-ndīheapīrīmboyahī yahuhaya, hainambo ramareapīra hai tikīrapīrīmbo muŋguambo moatūkunī hasūfī yanŋīrī meŋgoro.

Rani+mbokane nindou God+ambo daboadi
 hi+hi+horeimbi ana, horombo rani-moatükuni
 tüküme feyo nindoumbo ra nafuimbo nahuraiyo
 tüküme feyo.

⁷ Rot nindou sapo mbumundi ham+ndiyu asu
 God ai ranahambo mafar+heiri. Rot aiyu nindou
 moaruwai hohoan+moyeimbi ranaheimbo
 rani+mbo ngusüfo ni+mbimayu.

⁸ Nindou aboedi ranai ahamundi mbusümo
 nüngumboyu asu ai moaruwai nindou
 ahamundi-mayo ah+nümbi hohoanimo
 süngufekoate hohoanimo hoafi hi+mboriyu asu
 hoeire marandi. Rani+nambo muñguambo si
 maho ra ahandi mbumundi ngusüfo asür+i
 marandi.

⁹ Nga asu ni+ne-moatükuni God+ndi
 hohoanimo sünguri+hindeimbi aheimbo
 refendür+mbo yahohaya si+sam-arandür ana,
 God ai aheimbo ranambeah+ndi
 hür+hefendür+mbo fi+fi+reamboani. Nga Adükari
 ai nindou moaruwai hohoan+moyeimbi
 ranaheimbo karabus+fendür+mbo sünguna
 yi+bobofembo si tüke feyo rani+hü aheimbo
 moaruwaimbo-fendür+mbo fi+fi+reamboani.

¹⁰ Rani-simboan-animbo nindou bi+di+fi+ri sapo
 God+ndi ngi+n+ndi yi+boaruko-mar+hindi ranai
 moaruwaimbo-feimbi ham+ndi hohoanimo ahei
 ngusüfoambe bot+fembo rani-sünguri+hi
 mar+hündi aheimbo moaruwaimbo-ndearümbui.

Tikai yamundu-rundeimbi nindou aiana
 hi+mboambekoate nindou-anemo asu ai
 ahamundi-poanimbo hohoanimo rani-süngu
 yangri süngumarundi. Rani+yomo ai bogori
 hi+fandi-rundeimbi ahamumbo ti+ri+foefe

hoafimbo kikirififekoate-memo. Nindou hımboambekoate-yeimbi asu afındı-afındeimbıyomo ai nindou sünambe amarımo ahamumbo tırıfoefe hoafimbo yihimbokoate-memo.

¹¹ Sünambeahındı nendı ranai nindou tıakai hoafı yamundu-rundeimbı ahamumbo ngasündüpurı houmbo ngınındı adükarı hamındanemosı, nga asu ai moai simborı tırıfoarüpurühi Adükarındı hımboahü papi-hoafırüpurı.

¹² Nga tıakai yamundu-rundeimbı ai nınıhondı-yei hohoanımo nahurai sünguarundı. Ahamumbo hıfokoefe mandıfe sesımbı yangrı nahurai anıngomo nindou ra asu nıne-moatükunı ai fıfırifekoate-memo ranahambo moanı türüfoaru hoafıyomo marundı. Asu nindou nınıhondı naru arundı nou God ai ahamumbo hıfıkoa-ndeapurımbui.

¹³ Asu ai moaruwai hohoanımo süngumarundı ranımböhündambo ai tıtırıfo asüakai ndowandümbıemo. Ai nindou bıdıfırambo tıtırıfo masabudürı ranı-sünguyo asu ai-amboa tıtırıfo ndowandümbıemo. Aiana sırhü sesesıyomo asu bıa sımındımo rarao arundı ranahambo hıhıfı-hıhıfımbai yahomomboanemo. Rananemo ai se-babıdı sowasümondühi amarımo, nga se ranahambo amoanıngayei. Nga moaruwai tıakai hohoanımo ai yıfırıyomo houmbo ramarundı ranahambo hıhıfı-hıhıfıyomondühi amarımo.

¹⁴ Aiana amurı hımbombo-yomopoanı, nga moaruwai hohoanımo ra ratüpurımböhünda nımorehımbı sowanamboane hımbıarı

pararundi. Aiana ngiri moaruwai hohoanimo ra hin+ngindundi, nga wani. Rananemo asu ai nindou bidifiri anihondümbofe hohoanimo akidou yangri kikihiru-ndümondeimb+ ahamumbo moaruwai hohoanimo ra rambirunda yahomo houmbo hūharupuri. Aiana nindou ngorüdi napo hohoanifembo hohoanimo ra ndeara yamundumboanemo. Nga God ai nindou ranahamumbo moaruwaimbo-ndeapur+mbui.

¹⁵ Ai sapo aboedi hohoanimo naf+ hondü menjoro ranahambo daboadi hihir+marundi ran+umboanemo asu ai mam+kar+yomo wakarundi. Nindou aiana Beor+ndi nimori Baram ai moaruwai hohoan+momayu ahandi hohoanimo ra süngumarundi. Baram aiana ro moaruwai hohoan+mondahan-an+imbo kaki ranai tükündifemboe yahuhaya yare hohoan+momayu.

¹⁶ Ahandi nin+hondi moangui-randeimb+hündi ahandi ndüri dongi ai hoaf+koateimbane, nga nindou hoafi nahurai hoaf+mayo. Ai God+ndi hoafi hoaf+yu-randeimb+ Baram moaruwai hohoan+moayu ranahambo rani-süngufepoan+ yahohaya hoaf+mendo. Ran+yo asu dongi ai ahandi ngusüfo-koate hohoanimo ra kikih+mar+mindo.

¹⁷ Tikai yamundu-rundeimb+ ndanana sapo apoar+ndi+hor+ hoe nginareandi nahurai-anemo. Asu aiana mburüngai hoewer+nambo kikiram+ndi pireandan+ aho yahurai-anemo. God ai ahamumbo nimb+ af+ndi moaruwai n+marowan+ koar+hefepur+imbo di+bon+yu

hɪnɪŋgɪ-reapurɪmboani.*

18 Nindou ndanai-ana ŋgusüfokoate hoafi
hoafiyomondühi nɪŋondiyimondühi boriyomo
wakarundi. Rananemo asu ai nindou
bodimondambo findi moaruwai hohoanimo aho
ranahambo ŋgusüfoambe botife hohoanimo ra
süŋgu-mbir+hinda yahomo houmbo
yirümoarundüri hoŋgomo. Ai nindou sapo
haponda moaruwai
hohoanimoyomo-rundeimbɪ ahamundi fikimɪ
mafefohindi ranaheimbo ahamundi moaruwai
hohoanimo ranambe mbiheiya yahomo
houmbo hohoanimoyomo arundi.

19 Rananemo tikai yamundu-rundeimbɪ ranai
horombo hoafiyomondühiya, ‘Se yihoeft
hohoanimo süŋguar+hindi ana, aboedambo
ŋgeimboyei,’ mehomo. Nga asu ai-amboani
nɪne-moatükunɪ ahamumbo
moaruwaimbo-ndeapurimboe ranahandi moani
ratüpuriyomo-rundeimbɪ nindou nahurai
nɪŋgomomboanemo. Rani-moatükunɪ ra
ndahurai-ane: Nɪne-moatükunɪ nindou
ranahambo hifandarɪrɪ ana, ahandɪ moani
ratüpuriyu-randeimbɪ nindou-ani.

20 E! ra anihond-ane, nindou ai sɪheft Adükari
Sisas Kraissɪhefɪmbo
aboedambofe-munimboayu ranahambo
fɪfirɪhori. Asu ranimbo-hünda ai fefohindühi
hɪftɪ ndan+hünda moaruwai hohoanimondi
ŋgɪnɪndɪ ranambeahɪndɪ aboedambo-mehindɪ.

* **2:17:** Yimbu moatükunɪ ra hoekoate-anafe asu ai ŋgɪrɪ hoe-
nambo nindou fandiheneandɪ. Yahurai-ane tikai yamundu-run-
deimbɪ ahamundi hoafi nɪmɪndɪ-koate-ane, ranane asu ŋgɪrɪ
nindou fandihendüri.

Nga asu asükai ai moaruwai hohoanimo ra sünguarihindi ana, asükai hihiriyahi karabusehindi nahurai-ane: Weangurühi ai anihondümbofe-koate-yeiambe moaruwai hohoanimo ra süngurihindühi nindou moaruwai manimboei. Asükaiyei sünguna ai hihiriyahi hei ranifih apaiarei ana, moaruwai hamindi hondü nimboeimboeyi.

²¹ Refe ana, awi ai aboedi hohoanimo nafi aho rani-süngufekoate-mbeimbonana, ranana ranaheimbo moaruwai-ane. Nga nindou ai aboedi hohoanimo nafi aho rani-süngu süngurahi hehimbo süngunambo Godindi ahinümbi hoafi ranaheimbo yamundimarundura masahümündi ranahambo daboadanambo-arihindi ana, ranaheimbo moaruwai hamindi hond-ane.

²² Ahei hohoanimo ra kafoefe hoafi nahurai-ane: 'Yafori ai nini-moatükunio kimbomayo ra asükaiyo hihirife ho sesi arandi.' Asu ngorü yahurai-ane: 'Nindou ai moatei hundürarandi ana, moatei ai hihirindife asükai ngo hüburukoambe foerimboe.'

3

Adükari ai kudümbui.

¹ Ngusüfohünd wandafi, haponda siheimbo yimbumboanahi pas nda sürü paparhandi. Pas yimbu ranambe siheimbo sapo rani hoafimayo ra asükai hohoanimo purihümündih mbumundi hohoanimo botimbirihindi saheheambo sürü papimarhandi.

² Hoafi ra Godiñdi hoafi
 hoafiyomo-rundeimbi sürühoemo-ndeimbi
 horombo hoafimemo. Asu sihefi Adükari
 aboedambo-reamuneimbi ai ahandi hoafi
 sowandümo homo-rundeimbi-yomondi süngu
 hoafimayu ranimboanahi asükaiyei hohoanimo
 pumbiri+hümündia sahehea hohoanimoayahi.

³ Se ndani boatei fifirindihi hehimbo-animbo:
 Bidi+ranambo si tüküfeyo-ambe-animbo nindou
 ai tükündahi hehi ahei moaruwai hohoanimo
 ngusüfoambe botindeirani ra süngund+himboyei.

⁴ Ranimbo ai randihi tirifoefe
 hoafindeih-animboya, 'Sapo kosombo horombo
 hoafimareandi, nga nahi-a? Horombo amoao
 mamai ai yifisafiyei heimbo hapondanambe
 amboani müngu moatükuni God nafimarani ra
 moani horombo maningou nou yare yahurai
 yangiri aningou ho,' mb+seimboyei.

⁵ Ai ndani-moatükuni horombo tükümfeyo
 ranahambo hohoanimo-yowohumbo
 fifirifembo-yeipoani, nga wani. Horombo
 hondü God ai hoafiyuhü hifi sünü nafira
 hiniñgimareandi. Ai hifi hoe yibobomareanda
 hifi ranai hoe mbusümo tükümfeyo.

⁶ Asu süngunambo hoe ranai hohoambu afindi
 tüküfhumbo hifi wamindafi-mayo ra
 moaruwaimbo-mareandi.

⁷ Hoafi mamai ranayo sünü asu hifi haponda
 tükümfeyo ranamboani hai koar+hefeyowa
 sünü hifi ra tikiri+mbohünda hoafimayoa
 ranimbo himboyowohü aningou. Sünü hifi nda
 sapo nindou didiyei ai Godimbo daboadi
 hihiri+mar+hor+ranaheimbo God ai
 yibobofendürimbo moaruwaimbo-fembo si

tüküfemboayo ranahamboane ai
hiniŋgimareanda himboyowohü aniŋgo.

⁸ Se sapo mamî moatükunî ndani-animbo se
hohoanimo mitanindü-hümündimboyei.
Adükariñdî hohoanimonambo ana si mamî ra
1,000 himbanî nahurai-ane, ŋga asu 1,000
himbani ra mare mamî si nahurai-ane.

⁹ Adükari ranai sapo horombo hoafi
hoafimayu ranimbo ratüpurimbo ra
afureandühîyupoanî. Bidifiri nindou
afurifembo hohoanimoayo nou refihîyupoanî.
Ŋga aiana nindou mamî ai-amboanî
awarihefembo ana, moei yahuhü nindou
muŋguamboya se ŋgorü süŋgurihi
hohoanimoeyi yahumboani hohoanimoayu.

Sünü hifi nda awandihoeboe

¹⁰ Adükari ai kosimbo si ana sapo hühbuhünî
nindou hühbuhünimbo ahu yahurai-animbo
tükündifemboe. Rani-simboanî sünü ranai
nimoamondi-hoafi nahurai paindowohumbo
awandihoeboe. Rananimbo muŋgu akidou
hamindî moatükunî raninambo God ai sünü hifi
nafimarandî ranai hai tikirindandanî
muŋgundimboe. Rananimbo asu hifi amboanî
muŋgu moatükunî ranifihî engoro ranai kameihî
hai tikirindamboe.

¹¹ Rani-moatükunî ranai rande
awandihoeboe. Ŋga se ranahambo
nüŋgumandahu mbisei hohoanimondeï.
Ranimbo-hündambo-animbo se Godindî
yangir-anefti mbiseihü ranî yangiri süŋgundihî
ndühündî.

¹² Ranî hohoanimonambo-animbo se Godindî
si түкүфemboayo ra himbondeï. Rananimbo asu

se si tüküfemboqyo ranahambo
 nimai-nimaindihindühi nginindi ratüpurindei.
 Rani si tüküfe simboan-animbo sünü ranai hai
 tikirindandühi muḡundimboe. Asu rananimbo
 muḡuambo sünambe akidou hamindi
 moatükuni ra kameihü hüfü afindiyohumbo hoe
 nahurai tükündifemboe.

¹³ Nga God ai sünü hifi simbori nafimbo
 horombo hoafiyumboani, nga simbori hifi
 ranifih-animbo moani mbumundi hohoanimo
 yangiri yagodimboe. Rani-moatükuni
 ranahamboanefi sihiri tükümbifeyowa sefi
 hohu himboayefi.

Sihiri hibadihumbo Adükariimbo himbondefimboane

¹⁴ Wandafi mamai, rani-moatükuni ranahambo
 se himboyeihanei. Ranimbo-hündambo-animbo
 se Godindi himboahü sürühoeimbi hondü
 niḡombohünda asu ai-babidi
 wudi-wudimbohünda hüti-hütindei.

¹⁵ Sihifi Adükari ai siheimbo
 aboedambo-fendürimbo yahuhaya
 himboyu-ndürühani asu ai siheimbo
 hininḡirou-hininḡirouarandüri ranimbo
 randihi hohoanimondei. God ai sihefi wandafi
 Porimbo fifirife aboedi masagadowa asu
 ai-amboani hoafi ra mare ndahurai siheimbo
 pasambe sürü papira koamarihendüri.

¹⁶ Yini, ahandi-mayo muḡuambo pas
 ranambe ai ndani moatükuni ranahamboyu
 hoafiyu marandi. Ahandi-mayo hoafi pas
 ranambe bidifiri ana asu akidou tinimaramuni.
 Nindou bidifiri fifirife nginindi

nĩngokoate-ayei hoafi raniyo asu
 Baihor-ambeahĩndĩ hoafi kameihĩ
 mamĩkarĩ-marĩhũndĩ.
 Ranĩmbo-hũndambo-anĩmbo ai
 awandĩ-hehimboyei.

¹⁷ Wandafĩ mamĩ, se fĩfirĩhimboanei
 nĩne-moatũkunĩ sapo sũnguna tũkũfemboayo ra.
 Ranĩmbo-hũndambo-anĩmbo se sĩhei fimbo
 hĩbadĩhũmbo. Nga asu hoafi
 mbahĩbadi-hoemondaimbĩ nĩndou-yomondĩ
 hĩhĩndĩ hohoanĩmo ranai sĩheimbo
 hũhũndeiranĩ se anĩhondũmbofe ŋgĩnĩndĩ
 hĩnĩngĩ-ndĩhimboyei.

¹⁸ Nga seana sĩhefĩ Adũkarĩ asu
 aboedambo-reamuneimbĩ Sisas Krais ahandĩ
 hĩpoambofe hohoanĩmo nda afĩndĩsafĩ
 ndahũmũndihĩ, asu se ahambo adũkarĩ hamĩndĩ
 ndondĩhorĩ fĩfirĩndĩhorĩ ŋgei. Aiana
 hapondan-ane asu sũngunamboane ra
 ndũrũmbĩ-mbiyuwamboane. Anĩhond-ane.

Godindï Hoafi
The New Testament in the Angor language of Papua
New Guinea
Nupela Testamen long tokples Angor long Niugini

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

PDF generated using Haiola and XeLaTeX on 11 Mar 2026 from source files dated 12 Dec 2025
c500d379-d0cf-5c22-9613-91d7bcc63af3